

श्री वेङ्कटेश सोपानम्

श्री वेङ्कटेश सुप्रभातम्

१०९

लोप

२८



गोवर्धनलीला.



बन्सीलीला.



रासलीला.



दानलीला.








होरी लीला




मधुरागमन लीला



रघुनाथ लीला








### श्रीराममाहात्म्यम् ।

रामरामेति रामेऽतिरमे रामे मनो-  
रमे ॥ सहस्रनाम तत्तुल्यं रामना-  
म वरानने ॥ १ ॥ श्रीराम राम  
रामेति ये जपन्ति च सर्वदा ॥  
तेषां भुक्तिश्च मुक्तिश्च भवत्येव  
न संशयः ॥ २ ॥



### हरिमाहात्म्यम् ।

विपरीतेषु कालेषु परिक्षीणेषु  
बन्धुषु ॥ त्राहि मां कृपया कृष्ण  
शरणागतवत्सल ॥ १ ॥ कृष्णाय  
वायुदेवाय देवकीनन्दाय च ॥  
नन्दगोपकुमाराय गोविन्दाय न-  
मो नमः ॥ २ ॥



उन्नामप्रदेशान्तरगतआसाखेडाग्रामनिवासी—

दासरामप्रसादकृत

## श्रीवेंकटेशसुप्रभातम्.

दोहा—गोपालक गरुडध्वज, लक्ष्मीपति भगवान् ॥

उठहु २ त्रैलोक्यकर, मंगल करहु सुजान ॥१॥

कवित्त--सकल जहान प्रतिपालन करन मातु राक्षससमूह  
मधुकैटभादि गंजनी ॥ क्रीडाकी करनहार विष्णुवक्षस्थलमें सुंदर  
स्वरूप रतिआदि मदभंजनी ॥ वेंकटेश प्रीतिकी हौ भाजन भनत  
वेद आश्रित विलोकि निजजनमन रंजनी ॥ जयति २ स्वामिनी  
अनेकद्युति दामिनी तुम्हारो सुप्रभात होय दारिद निकंदनी ॥ २ ॥  
सवैया—चंद्रमुखी सुप्रसन्न सदा चखकी उपमा जलजारुण हारो ॥

इंद्रवधू गिरिजादिक सेवित तो भृकुटी रुख रोज निहारो ॥  
हौ करुणा गुणआगरि मातु सदैव हरौ जनको दुख भारो ॥  
हे वृषभाद्रि सुनाथ प्रिया सुप्रभात सदा यह होय तुम्हारो ॥ ३ ॥  
अत्रि प्रभृति सबै ऋषि सप्त सुपूजनको पदपंकज थारो ॥  
आय खडे अघनाशनिके कमलादिक लै मुख ओर निहारो ॥  
प्रात रु संध्यउपासनको करि ध्यान धरै मन आनंद भारो ॥  
हे शेषाद्रि सुशेखरनाथ प्रभात सदा शुभ होय तुम्हारो ॥ ४ ॥

कवित्त—शंकारसहस ब्रह्मदेवरु षडानन हजारचख देवनसों ठाढे  
तव द्वार हैं ॥ दशावतार तव वामन परशुधर आदिक चरित भनि पा-  
वत न पार हैं ॥ दिन शुद्धि देवन अचारज कहत यह जयति २ नाथ  
गुण अगम अपार हैं ॥ शेषाद्र्यचलाधीश होय सुप्रभात तव ठाढें  
दीन दास यह करत पुकार हैं ॥ ५ ॥



सवैया—फूल खिले कमलादिकके नवपल्लव गाछ अनेकन वारो ॥  
 लौंग सुपारिन आदि फरे अति सुंदर दिव्य स्वरूप निहारो ॥  
 मंदसुगंध सुवायु वहै ऋषिराज विलोकि हृदै निज हारो ॥  
 हे शेषाद्रि सुशेखरनाथ प्रभात सदा शुभ होय तुम्हारो ॥ ६ ॥  
 वास सुहावन है जिनको पिंजरा शुचिसुंदरके शुकसारो ॥  
 पात्र बचा कदलीफल भक्षत आनंद नैनन खोलि निहारो ॥ ७ ॥  
 मोदित है जलपान करें अरु बोलत बोल सुहावन वारो ॥ ८ ॥  
 हे शेषाद्रि सुशेखरनाथ प्रभात सदा शुभ होय तुम्हारो ॥ ९ ॥  
 देखि समीप सरोवर सुंदर नीरज फूलि रहो अति प्यारो ॥ १० ॥  
 पंक्ति अनेकन भृंग फिरैं मकरंदससों मन है मतवारो ॥  
 क्रीडत शब्द गुंजार करें लखि गायनके स्वर मोहन हारो ॥  
 हे शेषाचलनाथ हरे सुप्रभात सदा यह होय तुम्हारो ॥ ११ ॥  
 हे वरदानि अभीष्ट कृपाल सवै जग आरत बंधु पुकारो ॥  
 जगत अनन्य दयालुस्वरूप सदा कमलापति दास उवारो ॥  
 दिव्य स्वरूपके धारणहार सुमंदिरमें अति आनंद वारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ १२ ॥  
 श्रीशेषाद्रि महारमणीक विराजि रहो गरुडाचल भारो ॥  
 वेंकटआदि कहौ वृषभाद्रि वृषादि प्रभृति सुवेश निहारो ॥  
 ये शुचिनाथके वास पुरान महर्षिन वंदि सुनाम उचारो ॥  
 हे गिरिवेंकटनाथ हरे सुप्रभात सदा यह होय तुम्हारो ॥ १३ ॥  
 पुष्करणी जलसों करि मज्जन अंग पवित्र सदैव सुठारो ॥  
 ब्रह्म सदा सनकादिक शंकर शंकर हार सदा तनुधारो ॥  
 ते ऋषि सुंदर नेत्र अघात करे शिर ठाठ पुकारत द्वारो ॥  
 हे गिरिवेंकटनाथ हरे सुप्रभात सदा यह होय तुम्हारो ॥ १४ ॥



शंकर इंद्र बली यम पावक धर्मस्वरूप सुहावन वारो ॥  
 हैं जल ईश धनाधिप राजित रूप मनोज प्रभंजनि धारो ॥  
 शोभित शीश वधांजलिसों नित लागि रहे प्रभु सेवन द्वारो ॥  
 हे गिरिवेंकटनाथ हरे सुप्रभात सदा यह होय तुम्हारो ॥ १२ ॥  
 सूरज चंद्र रु मंगलहू बुध देव गुरु गुणमंदिर भारो ॥  
 शुक्र शनीश्वर राहु सुकेतु सुदेव सभाके प्रधान निहारो ॥  
 ये सगरे तव अंतिम दास सदा शरणागत बैन उचारो ॥  
 हे गिरिवेंकटनाथ हरे सुप्रभात सदा यह होय तुम्हारो ॥ १३ ॥  
 मुक्ति पदारथ पाय भले अरु स्वर्गसु वास लहो जिन भारो ॥  
 तेउ सुवास विलोकि सुहावन धारण मानुष देह विचारो ॥  
 आस यही तनु मानुषमें नितही दरसैं पदपंकज थारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ १४ ॥  
 श्री अरु भूमिके नायक रूप सुअमृत सिंधुको धारणहारो ॥  
 हो जगरक्षरूप अनन्य दयानिधि देवन देव निहारो ॥  
 पूजत हैं पदपंकजको गरुडादि अनंत सदा चित धारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ १५ ॥  
 नाभिमें पद्मके धारणहार सदा पुरुषोत्तम रूप सुधारो ॥  
 श्रीपति हौ वैकुण्ठके नायक चक्र सुदर्शन धारण हारो ॥  
 हौ शरणागतके प्रतिपाल जनार्दन श्रीवत्स चिह्ननवारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ १६ ॥  
 सुंदर मूरतिमान स्वरूप रु कामहुको मद तोरनवारो ॥  
 दृष्टि समर्पणके कर्ता लक्ष्मीकुच सो जलजारुणहारो ॥  
 कीरति दिव्य सबै गुणमंदिर हौ करुणानिधि दीन उवारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ १७ ॥



कच्छप मच्छ वराहस्वरूप धन्यो नरसिंह महाविकरारो ॥  
वामन है भृगुनाथ स्वरूप तपी तनु राम अनेकन तारो ॥  
श्रीव्रजराज धन्यो बलसों कल्की अब होहु पुराण पुकारो ॥  
श्रीगिरिवेंकटनाथ हरे सुप्रभात सदा यह होय तुम्हारो ॥ १८ ॥  
आज शिरोमणि वैदिकके हिय हर्षि महर्षिन प्रेम सुधारो ॥  
लौंग कपूर इलायचि आदि सुगंध संयुक्त सुवर्ण सुथारो ॥  
व्योम सरोवरसों परिपूरित कंचनके घट दिव्य निहारो ॥  
प्राशनके तहँ वासत वेंकटनाथ प्रभात सुहोय तुम्हारो ॥ १९ ॥  
सूरज राजत भे उदयाचल भृंगन मोहन राग उचारो ॥  
देखि प्रफुल्लित कंज चहुँदिशि गुंजि रहे मन है मतवारो ॥  
वैष्णव प्रार्थित होत सबै तब लोक अनन्दित जात निहारो ॥  
श्रीगिरिवेंकटनाथ हरे सुप्रभात सदा यह होय तुम्हारो ॥ २० ॥  
शंकर इंद्र महर्षि सनंदन आदिक ब्रह्म हिये मुद धारो ॥  
मंगल वस्तु धरे करमें अरु जोगिनके शिरताज निहारो ॥  
आय खडे ढिग मंदिरके विनती करि बारहिवार पुकारो ॥  
श्रीगिरिवेंकटनाथ हरे सुप्रभात सदा यह होय तुम्हारो ॥ २१ ॥

दोहा—कौशल्यासुत श्रेष्ठ नर, हे रघुपति रघुराज ॥

उठहु प्रात संध्यासमें, देवार्चनके काज ॥ २२ ॥

हे भगवन् शेषाद्रिप्रभु, वीणा मधुर बजाय ॥

ऋषि नारद तब विमलयश, रहे मगन मन गाय ॥ २३ ॥

नारि अनेक अहीरनकी मथिवे दधिकाज समय अनुहारो ॥

शब्द गंभीर उठे अतिही दिशि औ विदिशान रहौ भरि भारो ॥

ता उपमा इमि सोहि रही जनु कुंभदिशा कलहादिक पारो ॥

हे शेषाधिप नाथ हरे सुप्रभात सदा यह होय तुम्हारो ॥ २४ ॥



मित्र महादिननायकके सत्पत्र स्वरूप तनय जल वारो ॥  
 स्थित भृंग रहे तिनकी लक्ष्मी हरनो मनमाहिं विचारो ॥  
 सुस्तरु रक्तस्वरूप फिरें जनु भोरि सुशब्द फिरै मतवारो ॥  
 हे शेषाधिप नाथ हरे सुप्रभात सदा यह होय तुम्हारो ॥ २५ ॥  
 गोष्ठिनमें तुम्हरी हरिजी गजराज हयादि सुराज निहारो ॥  
 पक्षिन राज नगाधिपहू अपनी रमहिमाहुँ सँभारो ॥  
 पूजि रहे मन आनँदसो शुचि सुंदर मंगलबैन उचारो ॥  
 हे शेषाधिपनाथ हरे सुप्रभात सदा यह होय तुम्हारो ॥ २६ ॥  
 शीर्ष भये जिनके परिपूरित तो चरणाम्बुजकी रज धारो ॥  
 स्वर्ग रु मोक्षहुँको तजिके सुख आनँदसों तव नेह निहारो ॥  
 वेद अरु शास्त्रनमें विहरैं तव कीरतिमें मन आनँद भारो ॥  
 हे शेषाधिप नाथ हरे सुप्रभात सदा यह होय तुम्हारो ॥ २७ ॥  
 श्रेष्ठ गुणागर श्रीकमलापति जो भवसिंधु अगाध न पारो ॥  
 ता तरिवे हित सेतु सदा हरि भक्तन सेवित नाम अधारो ॥  
 हों ऐश्वर्य स्वरूप महा तनु वेद रु शास्त्रसु जाननहारो ॥  
 श्रीगिरिवेंकटनाथ हरे सुप्रभात सदा यह होय तुम्हारो ॥ २८ ॥  
 हे जगदीश वृषाचलस्वामिन् उक्त सुरीति हिये जिन धारो ॥  
 पाठ प्रभात करें तुम्हरो शुभ है नितहीं मनमोदित भारो ॥  
 जे सुमिरैं तिन भक्तनको शुचि ज्ञान बढै तिनको सुख सारो ॥  
 होय सुबुद्धि सुमुक्तिहुको पथ गायनको गुण गावनहारो ॥ २९ ॥

कुण्डलिया ।

कृष्णपक्ष कार्तिक सुभग दीपमालिका जानि ॥  
 पूजत लक्ष्मीमात जग कार्यसिद्धि अनुमानि ॥  
 कार्यसिद्धिअनुमानि सिद्धि नवनिद्धिकि दाता ॥  
 हेरौ कृपाकटाक्ष प्रेस निशिदिन बसि माता ॥



कह जन रामप्रसाद विनै जनकी लखि लीजै ॥  
वर्षत कंचन नीर वर्ष पूरणकर दीजै ॥  
इति श्रीवेंकटेशसुप्रभातं समाप्तम् ।

## श्रीवेंकटेशाष्टक ।

सवैया--ग्राह गह्यो गहिरे जलमें गज आरत है तुमसों चित लायो ॥  
तोरत पुष्प न देर कियो अति आरत शब्द सुन्यों उठि धायो ॥  
ग्राह पछारि कियो जल बाहर बारन बार न बार लगायो ॥  
रामप्रसादकि त्रास विनाशक वेंकटनाथ स्वरूप सुहायो ॥  
इंद्र लखो जबहीं गिरि पूजत मेघन बोलि तुरंत पठायो ॥  
मूसलधार परै जलजोर भयानक शब्द घटा घहरायो ॥  
देखि डरे ब्रजलोग सबै तिन रक्षन हेत पहाड उठायो ॥  
रामप्रसादकि त्रास विनाशक वेंकटनाथ स्वरूप सुहायो ॥  
त्रास दियो हरणाकुशने प्रह्लाद सियापतिसों चित लायो ॥  
नासन हेत उपाय रच्यो बहु ताति समीर लगै नहिं पायो ॥  
खंभसो फोरि कठे नर नाहर ता अरिको यमधाम पठायो ॥  
रामप्रसादकि त्रास विनाशक वेंकटनाथ स्वरूप सुहायो ॥  
लोकहु वेदविरुद्ध जो भामिनि सो शबरी हितसों गुण गायो ॥  
ताहि कियो जगमें अतिपावन भांति अनेकन भक्ति सिखायो ॥  
चीखिधरे फल जो हितसों करुणानिधि सो रुचिसों फल खायो ॥  
रामप्रसादकि त्रास विनाशक वेंकटनाथ स्वरूप सुहायो ॥  
कंसने कोप कियो ब्रजपै ब्रजवासिन हेतु दवारि पठायो ॥  
देखि सबै ब्रजको यमुनातट जारन हेत चहुँदिशि धायो ॥  
हाल विहाल लखो सबको ब्रजवासिन हेत अँगार चवायो ॥  
रामप्रसादकि त्रास विनाशक वेंकटनाथ स्वरूप सुहायो ॥



विप्र अजामिल पाप स्वरूप सदा करि पापहि जन्म गवायो ॥  
 डारिकै फांस चले जबहीं यम अंतसमै सुतको गोहरायो ॥  
 नामनारायण भाषतहीं यमफांस छुडाय विमान चढायो ॥  
 रामप्रसादकि त्रास विनाशक वेंकटनाथ स्वरूप सुहायो ॥  
 चीर उतारन हेतु दुशासन पांडव नारि सभा गहि लायो ॥  
 आस तजी सब राजनकी लखि दीनदयाल तुम्हें गोहरायो ॥  
 ताहि कियो चखपूतरिसो अरु नेकहु अंग खुलै नहि पायो ॥  
 रामप्रसादकि त्रास विनाशक वेंकटनाथ स्वरूप सुहायो ॥  
 पापिनि सापिनि जो जगमें गणिका हितसे कब ध्यान लगायो ॥  
 ताहि दियो निज धाम कृपानिधि कीर पढावतही गति पायो ॥  
 बौनि गरीब नेवाजकि राखहु पापिन तारत बारन लायो ॥  
 रामप्रसादकि त्रास विनाशक वेंकटनाथ स्वरूप सुहायो ॥

कवित्त-आई है दिवारी मास कातिककि भारी दीप जो नरना-  
 री आस करत गणेशकी ॥ मिटी अंधियारी नये खातेकी तयारी धरि  
 प्रतिमा अगारी पूजै रमा औ रमेशकी ॥ शोभा अधिकारी एक ठौर  
 करि धारी कहै रामको प्रसाद सब देश और विदेशकी ॥ जैसी उजिया-  
 री सब जगकी निहारी तासों सौगुनि उज्यारी लक्ष्मिवेंकटेश प्रेसकी ॥

कवित्त-मीन रूप धरि प्रभु वेदन उद्धार कीन्हो सत्यव्रत  
 भूपतिको दरश देखायके ॥ कच्छपस्वरूप गिरिमंदरको रोंकि पीठि  
 देवन उबारो रूप मोहनी बनायके ॥ धारिकै वराहरूप धरणिनाथ  
 कियो रामको प्रसाद कहै विनति सुनायके ॥ गंगाविष्णु प्रीतिकी  
 प्रतीतको विलोकि लक्ष्मिवेंकटेश प्रेसमें विराज्यो नाथ आयके ॥१॥

इति श्रीवेंकटेशाष्टकं समाप्तम् ।



